

Հավելված
Հայաստանի Հանրապետության
Շիրակի մարզի Այգաբաց
համայնքի ավագանու 2016թվականի
դեկտեմբերի 23 թիվ 33- Ն որոշման

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՇԻՐԱԿԻ ՄԱՐԶ**

**ԱՅԳԱԲԱՑԻ ՀԱՄԱՅՆՔԻ
2017-2021 ԹՎԱԿԱՆՆԵՐԻ**

ԶԱՐԳԱՑՄԱՆ ԾՐԱԳԻՐ

ԲՈՎԱՆԴԱԿՈՒԹՅՈՒՆ

1. ՊԱՏՄԱԿԱՆ ՏԵՂԵԿՈՒԹՅՈՒՆՆԵՐ ՀԱՄԱՅՆՔԻ ՄԱՍԻՆ
2. ՀԱՄԱՅՆՔԻ ԱՇԽԱՐՀԱԳՐԱԿԱՆ ԴԻՐՔԸ,ՌԵԼԻԵՏԸ,ԲՆԱԿԼԻՄԱՅԱԿԱՆ ՊԱՅՄԱՆՆԵՐԸ
3. ԺՈՂՈՎՐԴԱԳՐՈՒԹՅՈՒՆ
4. ՀԱՄԱՅՆՔԻ ՏՆՏԵՍՈՒԹՅԱՆ ՎԵՐԼՈՒԾՈՒԹՅՈՒՆԸ
5. ԱՌՈՂՋԱՊԱՀԱԿԱՆ,ԿՐԹԱԿԱՆ,ՄՇԱԿՈՒԹԱՅԻՆ ԵՎՍՊՈՐՏԻ ՀԱՄԱԿԱՐԳԻ ՎԵՐԼՈՒԾՈՒԹՅՈՒՆԸ
6. ՀԱՄԱՅՆՔԻ ԿԵՆՍԱԿԱՆ ԵՎ ԿՈՄՈՒՆԻԿԱՑԻՈՆ ՀԱՄԱԿԱՐԳԵՐԸ
7. ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԸ
8. ՀԱՄԱՅՆՔԻ ՈՒԺԵՂ ԿՈՂՄԵՐԸ
9. ՀԱՄԱՅՆՔԻ ԹՈՒՅԼ ԿՈՂՄԵՐԸ
10. ՀԱՄԱՅՆՔԻ ՌԱԶՄԱՎԱՐՈՒԹՅՈՒՆԸ ԵՎ ՀԻՄՆԱԿԱՆ ՆՊԱՏԱԿՆԵՐԸ
11. ԸՍՏ ԲՆԱԳԱՎԱՌՆԵՐԻ ԱՌԱՋԸՆԹԱՑ ԾՐԱԳՐԵՐԻ ,ՀԵՌԱՆԿԱՐԱՅԻՆ ՆՊԱՏԱԿՆԵՐԻ ԱՌԱՋԱԴՐՈՒՄ ԵՎ ԿՈՆԿՐԵՏ ԽՆԴԻՐՆԵՐԻ ՁԵՎԱԿԵՐՊՈՒՄ
12. ԵԶՐԱՓՈՒԿՈՒՄ

1. ՆԵՐԱԾՈՒԹՅՈՒՆ

ՀՀ Շիրակի մարզի Այգաբացի համայնքի 2017-2021 թթ. զարգացման ծրագիրը /այսուհետ ՀԶԾ/ մշակելիս հաշվի է առնվել, որ համաձայն 2015 թվականի դեկտեմբերի 6-ին փոփոխված ՀՀ Սահմանադրության 181-րդ հոդվածի, ՏԻՄ-երը՝ համայնքի ավագանին և համայնքի ղեկավարը, ընտրվում են հինգ տարի ժամկետով, և 210-րդ հոդվածի, «Տեղական ինքնակառավարման մասին» ՀՀ օրենքը պետք է համապատասխանեցվի Սահմանադրությանը և ուժի մեջ մտնի 2017 թվականի հունվարի 1-ից: Հաշվի առնելով այդ պահանջները՝ մշակվել է համայնքի զարգացման ոչ թե քառամյա, այլ հնգամյա ծրագիր:

ՀԶԾ-ն մշակվել է՝ հիմք ընդունելով «Տեղական ինքնակառավարման մասին» ՀՀ օրենքով սահմանված տեղական ինքնակառավարման մարմինների իրավասություններն ու լիազորությունները նրանց գործունեության բնագավառներում (ոլորտներում), ՀԶԾ-ի մշակման և կառավարման վերաբերյալ համապատասխան հոդվածների դրույթները, ինչպես նաև՝ «Համայնքների ֆինանսիստների միավորում» հասարակական կազմակերպության կողմից մշակված և ՀՀ տարածքային կառավարման և արտակարգ իրավիճակների նախարարության կողմից 2014 թվականին հավանության արժանացած «Համայնքի զարգացման քառամյա ծրագրի մշակման և կառավարման մեթոդաբանության» ուղեցույցի մեթոդաբանական առանձնահատկությունները և ծրագրային հիմքերը:

Ներկայացվող ՀԶԾ-ն առաջիկա հինգ տարիների համար հանդիսանալու է Այգաբացի համայնքի զարգացման հիմնական փաստաթղթերից մեկը: Այն մշակվել է՝ հաշվի առնելով համայնքի շահագրգիռ բոլոր կողմերի առաջարկությունները: Հարցումների միջոցով վեր են հանվել համայնքի բնակիչներին հուզող խնդիրները, դրանք գնահատվել են և դասակարգվել ըստ առաջնահերթության: Վեր հանված հիմնախնդիրների հիման վրա, ելնելով «Տեղական ինքնակառավարման մասին» ՀՀ օրենքի պահանջներից, համայնքի ղեկավարը՝ համայնքի աշխատակազմի և համայնքի ղեկավարին կից գործող տարեկան բյուջեի ու ՀԶԾ-ի մշակման խորհրդակցական մարմնի (ԽՄ) հետ միասին մշակել է համայնքի 2017-2021թթ. ՀԶԾ-ն, որը քննարկվել և հաստատվել է համայնքի ավագանու կողմից և դրվել է գործողության մեջ:

Համայնքի 2017-2021թթ. ՀԶԾ-ն ներկայացնում է Այգաբաց համայնքի սոցիալ-տնտեսական իրավիճակի համալիր վերլուծության և առկա հիմնախնդիրների բացահայտման, ֆինանսական և տնտեսական ռեսուրսների գնահատման արդյունքում նպատակային զարգացման տեսանկյունից ձեռնարկվելիք քայլերի ամբողջություն, որը նախատեսում է ռազմավարական քաղաքականությամբ համայնքի խնդիրների արդյունավետ լուծում և նպատակային բյուջետավարման գործընթացի իրականացում: ՀԶԾ-ն Այգաբացի համայնքի ներդաշնակ և համաչափ զարգացման, Այգաբացի բնակիչների բարեկեցության ապահովման համար առաջիկա հինգ տարիներին ընդունված ծրագիր է, որը հանդիսանալու է համայնքի ամենօրյա փաստաթուղթը:

ՀԶԾ-ն մշակելիս ուսումնասիրվել են նաև Այգաբացի նախորդ քառամյա ժամանակաշրջանի զարգացման միտումները և դրանց շարունակականության հավանականությունը:

2. ԱՇԽԱՐՀԱԳՐԱԿԱՆ ԴԻՐՔԸ, ՊԱՏՄԱԿԱՆ ՀԱՄԱՌՈՏ ԱԿՆԱՐԿ

Հայաստանի Հանրապետության Շիրակի մարզի Այգաբաց գյուղը հիմնադրվել է 1830-ական թվականներին Արևմտյան Հայաստանի Վերին Պատճվանք գյուղից գաղթած բնակիչներից: Հիմնադրման պահից մինչև 1948 թվականը կոչվել է Իլխիաբի, 1948 թվականին վերանվանվել է Այգաբաց: Համայնքն արդեն 1920-ական թվականներից ունեցել է դպրոց և կոչվել ուսուցիչների դարբնոց: Համայնքն հանրապետությանը տվել է ականավոր քաղաքական գործիչներ, բժիշկներ գիտական աշխատողներ: Համայնքն ունի պատմամշակութային մի քանի հուշարձաններ՝ Կիկլոպյան ամրոց, եկեղեցի, Հայրենական Մեծ Պատերազմի զոհերին նվիրված հուշակոթող:

Այգաբացի համայնքը գտնվում է Գյումրի քաղաքի հարավային կողմում, ծովի մակարդակից 1500-1600մ բարձրության վրա: Համայնքը սահմանակից է Ախուրյանի տարածաշրջանի Ագատան, Արևիկ և Արթիկի տարածաշրջանի Վարդաքար, Մեղրաշեն վարչական տարածքներին:

Բնակլիմայական պայմանները փոփոխական են և ոչ բարենպաստ գյուղատնտեսության համար: Դաշտերը հիմնականում ոռոգովի չեն և բերքատվությունը մեծ կախում ունի տարվա տեղումներից : Ձմեռը ցուրտ է: Ամառը զով է, երբեմն էլ շոգ ու երաշտ:

3. ԺՈՂՈՎՐԴԱԳՐՈՒԹՅՈՒՆ

Այգաբացի համայնքի բնակչությունը 2016 թ. հունվարի 1-ի դրությամբ կազմում է 837 մարդ (աղյուսակ 1):

Աղյուսակ 1. Համայնքի բնակչության ու տնային տնտեսությունների ցուցանիշները (01.01.2016 թ. դրությամբ)

Հ/հ	Բնակավայրի անվանումը	Մշտական բնակչության թվաքանակը	Մշտական տնային տնտեսությունների թվաքանակը	Առկա տնային տնտեսությունների թվաքանակը
1.	Այգաբաց	837 մարդ	193 տ/տ.	176 տ/տ.

Համայնքի առկա բնակչության թիվը կազմում է 837 մարդ, այդ թվում տղամարդիկ՝ 414 և կանայք՝ 423: Համայնքի բնակչության տարիքային և սոցիալական կազմը ներկայացված է աղյուսակ 1-ում:

**Աղյուսակ 2. Համայնքի առկա բնակչության տարիքային և սոցիալական կազմի ցուցանիշները
(01.01.2017 թ. դրությամբ)**

Հ/հ	Ցուցանիշները	Ընդամենը համայնք
1.	Առկա բնակչության թիվը, այդ թվում՝	837
	Տղամարդիկ	414
	Կանայք	423
	0-4 տարեկան	48
	5-6 տարեկան	21
	7-10 տարեկան	46
	11-14 տարեկան	36
	15-17 տարեկան	16
	18-22 տարեկան	68
	23-45 տարեկան	298
	46-62 տարեկան	196
	63 և բարձր տարիքի	108
2.	Կենսաթոշակառուներ, այդ թվում՝	103
	Տարիքային և աշխատանքային	103
3.	Փախստականներ	0
4.	Միակողմանի ծնողագուրկ երեխաներ	5
5.	Երկկողմանի ծնողագուրկ երեխաներ	0
6.	Հայրենական մեծ պատերազմի մասնակիցներ	1
7.	Արցախյան պատերազմի մասնակիցներ	1
8.	Հաշմանդամներ, այդ թվում՝	19
	Մանկուց հաշմանդամներ	0
9.	Աշխատունակներ	0
10.	Զբաղվածներ	63
11.	Գործազուրկներ	200
13.	Ընտանեկան նպաստների պետական համակարգում գրանցված ընտանիքների թիվը	22
14.	Արցախյան պատերազմում զոհվածների ընտանիքների թիվը	0
15.	Բնակարանի կարիքավոր ընտանիքների թիվը, այդ թվում՝	2
16.	Անօթևան ընտանիքներ	0
17.	Բնակարանային պայմանների բարելավման կարիք ունեցող ընտանիքների թիվը	30

18.	Արտագնա աշխատանքի մեկնող ունեցող տնային տնտեսությունների թիվը	100
19.	Արտագնա (սեզոնային) աշխատանքի մեկնողների թիվը	150

4. ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԸ

Այգաբացի համայնքում տեղական ինքնակառավարումն իրականացնում են ընտրությունների արդյունքում ձևավորված տեղական իշխանությունները՝ համայնքի ղեկավարն ու համայնքի ներկայացուցչական մարմինը՝ ավագանին իր 5 անդամներով: Այգաբացի համայնքի աշխատակազմը բաղկացած է 8 աշխատակցից:

Համայնքապետարանը տեղակայված է մշակույթի տան շենքում : Շենքի ընդհանուր վիճակը վատ է, աշխատակազմի համար առանձնացված սենյակներում պայմանները լավ են, կահավորանքը նորացված է: Համայնքապետարանը հազեցած է տեխնիկայով: Համայնքի ղեկավարի վարձատրության չափը, համայնքի աշխատակազմի աշխատակիցների թվաքանակը, հաստիքացուցակը և պաշտոնային դրույքաչափերը հաստատվել են համայնքի ավագանու 2015 թվականի **դեկտեմբերի 17-ի** թիվ 30 որոշմամբ (աղյուսակ 3):

Աղյուսակ 3. Այգաբաց համայնքապետարանի աշխատակազմը

Հ/հ	Պաշտոնի անվանումը (համայնքային ծառայության պաշտոնների մատվ նաև՝ ծածկագիրը)	Հաստիքների քանակը	Հաստիքային միավորը	Պաշտոնային դրույքաչափը (ՀՀ դրամ)
ՔԱՂԱՔԱԿԱՆ ԵՎ ՀԱՅԵՑՈՂԱԿԱՆ ՊԱՇՏՈՆՆԵՐ				
1.	Համայնքի ղեկավար	1	1	227522
ՀԱՄԱՅՆՔԱՅԻՆ ԾԱՌԱՅՈՒԹՅԱՆ ՊԱՇՏՈՆՆԵՐ				
2.	Աշխատակազմի քարտուղար (1.2-1)	1	1	156990
3.	Գլխավոր մասնագետ-ֆինանսիստ (2.3-1)	1	1	131053
4.	Գլխավոր մասնագետ (2.3-2)	1	1	131053
5.	Առաջատար մասնագետ (3.1-1)	1	1	72807
ԾԱՌԱՅՈՒԹՅՈՒՆՆԵՐ ՄԱՏՈՒՑՈՂ ԵՎ ՏԵԽՆԻԿԱԿԱՆ ՍՊԱՍԱՐԿՈՒՄ ԻՐԱԿԱՆԱՑՆՈՂ ԱՆՁՆԱԿԱԶՄ				
6.	Հարկային գործակալ	1	1	83045
7.	գրադարանավար	1	1	72807
8.	ակումբավար	1	1	72807
9.	հավաքարար	1	1	72807
10.	Համակարգչային օպերատոր	1	1	78040
	Ընդամենը			1098931

Աղյուսակ 4. Այգաբաց համայնքի ավագանու անդամներ

h/h	Անուն, ազգանուն, հայրանուն	Ծննդյան տարեթիվը	Կրթությունը
1	Այթունյան Սարգիս Վարդգեսի	1956թ.	Բարձրագույն
2	Անդրեասյան Անահիտ Հենրիկի	1958թ.	Բարձրագույն
3	Ռոստոմյան Արտակ Շավարշի	1978թ.	Միջնակարգ
4	Մարյան Գնել Մինասի	1989թ.	Միջնակարգ
5	Հովսեփյան Հովսեփ Վարազդատի	1978թ.	Միջնակարգ

5. ՔԱՂԱՔԱՇԻՆՈՒԹՅՈՒՆ ԵՎ ԿՈՄՈՒՆԱԼ ՏՆՏԵՍՈՒԹՅՈՒՆ

Համայնքը չունի գլխավոր հատակագիծ:

Համայնքի տարածքում գիշերային (արտաքին) լուսավորության ցանցի անցկացումը իրականացվել է 2016թվականին և կավարտվի 2017թվականին: Համայնքի լուսավորությունն առաջնային կարևորության հարցերից է և անհրաժեշտ է ընդլայնել լուսավորության ցանցը:

Խմելու ջրի մատակարարումը համարվում է համայնքի կարևորագույն խնդիրներից ամենաառաջնահերթը: Համայնքը սնուցող ջրագծով համայնք է մտնում վայրկյանում 1,3լիտր խմելու ջուր, որն օրական կազմում է մոտ հարյուր հազար լիտր:2009թվականին համայնքում կատարվել է ջրամատակարարման համակարգի մասնակի կառուցում :Ընդհանուր առմամբ համայնքի կոմունիկացիոն կառույցներն ունեն 30-40 տարվա վաղեմություն և կարիք ունեն կապիտալ վերջանորոգման:Անհրաժեշտ է կատարել փողոցների նորոգում ,ջրատար առուների բետոնալցում,ջրահեռացման ապահովում , հեղեղատարների մաքրում:Համայնքը չունի կոմունիկացիոն համակարգ:

Աղյուսակ 5. Համայնքի կոմունիկացիոն կառույցների նկարագիրը

h/h	Անվանումը	Չափման միավորը	Քանակը	Կատարման թիվը	Ենթակա է վերանորոգման
1	Կամուրջներ Գյումրի խճուղի Արթիկի խճուղի Այգաբացի ջրատար	Հատ Հատ Հատ հատ	3 1 2 1		
2	Ներհամայնքային ճանապարհներ	Կմ/մ ²	63000	1979	63000
3	Խմելու ջրի ՕԿՁ	հատ	2	1980	
4	Խմելու ջրի ներքին ցանց	զժմ	4000	1982	3000
5	Ոռոգման ներտնտեսային ցանց	զժմ	4000	1973	4000
6	Ֆիքավաձ հեռախոսակապ	հատ	20		

Համայնքում առկա է 2 գերեզմանատների ցանկապատման խնդիր:

Համայնքում բնակելի տները հիմնականում առանձնատներ են, որոնց թիվը կազմում է 200: Կան նաև բազմաբնակարաններ , որոնք կառուցվել են 1980-ական թվականներին:

Այգաբացի համայնքում բնակֆոնդի վիճակը, ընդհանուր առմամբ, գնահատվում է բավարար:

Աղյուսակ 6. Համայնքի բազմաբնակարան բնակելի շենքերի և բնակելի առանձնատների թիվը

Հ/հ	Բնակավայրի անվանումը	Բազմաբնակարան բնակելի շենքերի		Բնակելի առանձնատների	
		թիվը	բնակարանների թիվը	թիվը	ընդհանուր մակերեսը
1.	Այգաբաց	7 շենք, 2 հարկանի	յուրաքանչյուրում՝ 2 բն.	200	մոտ 1680 քմ

6. ՀՈՂՕԳՏԱԳՈՐԾՈՒՄ

Համայնքի վարչական տարածքը կազմում է 1857,1 հա, որից գյուղատնտեսական նշանակության հողերը կազմում են 1654,28 հա, որից վարելահող՝ 1045,06, արոտներ՝ 548,65 այլ հողեր՝ 60,57, բնակավայրերի հողերը՝ 118,03 հա, արտադրական նշանակության հողերը՝ 14,78 հա, էներգետիկայի, տրանսպորտի և կապի, կոմունալ ենթակայության հողերը՝ 58,09 հա, հատուկ պահպանության հողերը՝ 7,76 հա, ջրային հողերը՝ 4,16 հա: Քաղաքացիների սեփականության հողերը՝ 912,23 հա է, իրավաբանական անձանց հողերը՝ 3,6 հա, համայնքի սեփականություն հանդիսացող հողեր՝ 870,57 հա է, պետական սեփականության հողերը՝ 70,7 հա:

1991 թվականին հանրապետությունում իրականացված հողի սեփականաշնորհման ժամանակ համայնքի բնակավայրերում սեփականաշնորհված հողերի մեկ հողաբաժնի չափը 2,0 հա է:

7. ԳՅՈՒՂԱՏՆՏԵՍՈՒԹՅՈՒՆ

Համայնքի սեփականաշնորհված և վարձակալությամբ տրված վարելահողերում ցանվում են հացահատիկային մշակբույսեր՝ ցորեն, գարի, հնդկացորեն և կարտոֆիլ: Մակայն հողատարածքների ջրովի չլինելու պատճառով համայնքաբնակները մեծ եկամուտներ չեն ստանում: Հողատեսքերի դիրքադրությունը միանգամայն բարենպաստ է հացահատիկային կուլտուրաների արտադրության ու անասնապահության համար: Հացահատիկային կուլտուրաների արտադրությունն ու անասնապահությունը հանդիսանում են Այգաբացի համայնքի տնտեսական զարգացման կանխորոշող ոլորտ: Մակայն այս երկու ոլորտները ներկայումս ունեն միջին զարգացվածության տեմպ, որը պայմանավորված է ոլորտների ցածր կապիտալացման աստիճանով ու վերամշակման տեխնոլոգիաների բացակայությամբ:

Համայնքաբնակները զբաղվում են նաև անասնապահությամբ, սակայն խոշոր ֆերմերային տնտեսություններ չկան: Հիմնականում յուրաքանչյուր տնտեսություն իր արտադրանքը սպառում է իր տնտեսության ներսում: Համայնքաբնակները իրենց տնամերձ հաղամասերում աճեցնում են բանջարաբոստանային կուլտուրաներ: Ոռոգվում է համայնքի ոռոգելի տարածքի ընդամենը 10 %-ը՝ ինքնահոս համակարգի միջոցով: Ոռոգելի տարածքի 90 %-ը չի ոռոգվում ոռոգման ցանց չլինելու պատճառով:

8. ՏՐԱՆՍՊՈՐՏ, ՃԱՆԱՊԱՐՀԱՅԻՆ ՏՆՏԵՍՈՒԹՅՈՒՆ

Այգաբաց համայնքի ճանապարհները հիմնականում գրունտային են, որոնք էլ լինելով թեքությունների վրա, հաճախակի տեղացող հորդառատ անձրևների պատճառով ամբողջովին քայքայվում են և որոշ տեղերում դառնում դժվարանցանելի: Համայնքի տարածքում ճանապարհներից ասֆալտապատ է միայն Գյումրի-Այգաբաց ավտոմայրուղին: Համայնքում գործում է միջհամայնքային տրանսպորտ:

Համայնքում տեղադրված կանգառներ չկան, անհրաժեշտ է տեղադրել կանգառներ:

Այգաբացի համայնքում գործում է հիմնական 1 դպրոց: Համայնքի դպրոցի նոր մասնաշենքը կառուցվել է 2000 թվականին և նախատեսված է 250 աշխակերտի համար: 2008 թվականին շենքի մասնաշենքը մասնակիորեն վերանորոգվեց ՀՄՆՀ միջոցներով, որը դպրոցին էր հատկացրել մոտ 105 միլիոն դրամ: Նույն տարում դպրոցին կից կառուցվեց նաև մարզադահլիճ: Դպրոցն ունի 96 աշխակերտ և 18 ուսուցիչ: Դպրոցի շենքն ապահովված է խմելու ջրով, գազամատակարարմամբ և կոյուղիով: Համայնքում 2016 թվականի մայիսից սկսվել է համայնքի մանկապարտեզի շենքի վերանորոգման աշխատանքները, որն իրականացվում է Հայաստանի համայնքների տարածքային զարգացման հիմնադրամի կողմից:

Աղյուսակ 7. Այգաբաց համայնքի հանրակրթական դպրոցի ցուցանիշները

Հ/հ	Ցուցանիշները	Ընդամենը համայնքում
1.	Դպրոցներում աշխատողների թիվը, որից`	24
2.	Մանկավարժներ	18
3.	Աշակերտներ	96

10. ՄՇԱԿՈՒՅԹ, ԵՐԻՏԱՍԱՐԴՈՒԹՅԱՆ ՀԵՏ ՏԱՐՎՈՂ ԱՇԽԱՏԱՆՔՆԵՐ

Համայնքը հարուստ չէ մշակութային օջախներով: Ունի մշակույթի տուն, որը չի գործում, իսկ շենքը գտնվում է վթարային վիճակում: Շենքում տեղակայված է նաև գրադարանը: Համայնքի գրադարանային ֆոնդը հարուստ է բազմաժանր գրականությամբ: Կա շուրջ 12 հազար կտոր գիրք, իսկ համայնքումը շարունակվում է ամեն տարի:

11. ԱՌՈՂՋԱՊԱՀՈՒԹՅՈՒՆ, ՖԻԶԻԿԱԿԱՆ ԿՈՒԼՏՈՒՐԱ, ՍՊՈՐՏ

Այգաբացի ԲՄԿ-ն հանդիսանում է Ախուրյանի առողջության կենտրոնի ստորաբաժանումներից մեկը և առաջնային պահպանման ծառայություններ է մատուցում ազգաբնակչությանը: Գյուղական ԲՄԿ-ն տեղակայված է համայնքի վարչական շենքում: Շիրակի մարզպետարանի աջակցությամբ 2006 թվականին ԲՄԿ-ն ընդգրկվեց ԱՄՆ ՄԶԳ կողմից ֆինանսավորվող ԱԱՊԲ ծրագրում, վերանորոգվեց և կահավորվեց: Բուժկետում աշխատում է 1 բուժքույր: Ներդրված է ընտանեկան բժշկի համակարգ: Ժամանակին իրականացվում են մանկահասակ երեխաների պարտադիր բուժ. միջոցառումներ: Ամենօրյա հսկողության տակ են գտնվում նորածին երեխաները:

12. ԲՆԱԿԻՉՆԵՐԻ ՄԱՍՆԱԿՑՈՒԹՅՈՒՆԸ ՏԵՂԱԿԱՆ ԻՆՔՆԱԿԱՌԱՎԱՐՄԱՆԸ

Համայնքապետարանը ստեղծել է իր պաշտոնական վեբ կայքը՝ www.aygabats.am, որի նպատակը բնակչությանը համայնքի կառավարման վերաբերյալ իրազեկումն է, «Տեղական ինքնակառավարման մասին» ՀՀ օրենքով ամրագրված հրապարակայնության և թափանցիկության ապահովումը, տեղական իշխանություն-բնակչություն կապի ամրապնդումը և բնակչության շրջանում տեղական իշխանության նկատմամբ վստահության բարձրացումը: Սակայն, կայքում տեղական ինքնակառավարման վերաբերյալ տեղեկատվության առկայությունը դեռևս հեռու է բավարար լինելուց և անհրաժեշտ է բարելավել կայքի աշխատանքը, բարձրացնել օպերատիվությունը: Համայնքապետարանում տեղադրված է տեղեկատվական ցուցատախտակ, որի միջոցով ապահովվում է համայնքի ղեկավարի եւ ավագանու կայացրած որոշումների հրապարակայնությունը:

Համայնքի ավագանին.

- ✓ 16.05.2016թ. N 11-Ն որոշմամբ հաստատել է «Համայնքի ղեկավարին կից խորհրդակցական մարմինների ձևավորման և գործունեության կարգը»
- ✓ 16.05.2016թ. N 9-Ն որոշմամբ հաստատել է «Համայնքում հանրային բաց լսումների և (կամ) քննարկումների կազմակերպման և անցկացման կարգը»
- ✓ 16.05.2016թ. N 10-Ն որոշմամբ հաստատել է «Համայնքում տեղական ինքնակառավարմանը բնակիչների մասնակցության կարգը»:

Ավագանին 22.12.2016թ. N 34 որոշմամբ հաստատել է համայնքի ղեկավարին կից համայնքի զարգացման ծրագրի և տարեկան բյուջեի կառավարման, քաղաքաշինության, հողօգտագործման, տնտեսական ենթակառուցվածքների, կոմունալ տնտեսության, շրջակա միջավայրի պաշտպանության և տրանսպորտային հարցերի, մշակույթի, երիտասարդության հետ տարվող աշխատանքների, առողջապահության և սպորտի հարցերով խորհրդակցական մարմնի (ԽՄ) կազմը:

ՀԱՄԱՅՆՔԻ ՀԻՄՆԱՀԱՐՑԵՐԻ ՍԱՀՄԱՆՈՒՄ

Համայնքի իրավիճակի վերլուծության արդյունքում վեր են հանվել մի շարք հիմնահարցեր, որոնք ամփոփ կերպով ներկայացված են ստորև.

1. Ոռոգման համակարգի անբավարար վիճակ
2. Համայնքի խնդիրների լուծման գործընթացում բնակչության ներգրավվածության ցածր մակարդակ
3. Գյուղմթերքների իրացման դժվարություններ
4. Աղբահանության ոլորտում մատուցվող ծառայությունների ցածր մակարդակ
5. Համայնքում քաղաքաշինական փաստաթղթերի մշակման անհրաժեշտություն
6. Մշակույթի տան շենքային և գույքային անբավարար պայմաններ
7. Կանգառների բացակայություն
8. Ոռոգման ջրի ցանցի վերանորոգման և նոր ցանցի կառուցման անհրաժեշտություն
9. Ներբնակավայրային ճանապարհների և փողոցների անբարեկարգ վիճակ
10. Փողոցների գիշերային լուսավորվածության ընդլայնման անհրաժեշտություն
11. Գերեզմանատների ցանկապատման անհրաժեշտություն

ՀԱՄԱՅՆՔԻ ՈՒԹՅՎ-ՎԵՐԼՈՒԾՈՒԹՅՈՒՆ

ՀԱՄԱՅՆՔԻ ՈՒԺԵՂ ԿՈՂՄԵՐԸ

Համայնքի աշխարհագրական դիրքը

Պահուստային հողերը

սեփականաշնորհված հողերի հողաբաժնի չափը

համայնքում բարձրագույն և միջնակարգ մասնագիտական կրթություն ունեցողների թիվը
գյուղտեխնիկայի բավարար քանակը

ՀԱՄԱՅՆՔԻ ԹՈՒՅԼ ԿՈՂՄԵՐԸ

Ինժինեռական ցանցի, ճանապարհային որոշ մասի անմխիթար վիճակը
բնակարանային շինարարությունը կանգնած է, կան կիսակառույցներ
երաժշտական և գեղարվեստի դպրոցի բացակայությունը

ՀԱՄԱՅՆՔԻ ԶԱՐԳԱՑՄԱՆ ՀԻՄՆԱԿԱՆ ՀՆԱՐԱՎՈՐՈՒԹՅՈՒՆՆԵՐԸ

Համայնքի զարգացման հնարավորություններն են՝

Գյուղմթերքների վերամշակման փոքր արտադրությունների ստեղծում
Փոքր ֆերմերային տնտեսությունների ստեղծումը

ՀԱՄԱՅՆՔԻՆ ՍՊԱՌՆԱՑՈՂ ՀԻՄՆԱԿԱՆ ՎՏԱՆԳՆԵՐԸ

Համայնքին սպառնացող հիմնական վտանգներն են՝

Գործազրկության մակարդակի աճը

Արտագաղթը, հատկապես երիտասարդների շրջանում

Մշակութային կյանքի իսպառ վերացումը

Բնակչության աղքատացումը

ՀԱՄԱՅՆՔԻ ՏԵՍԼԱԿԱՆԻ, ՌԱԶՄԱՎԱՐՈՒԹՅԱՆ ԵՎ ՀԶՀԾ-Ի ՀԻՄՆԱԿԱՆ ՆՊԱՏԱԿՆԵՐԻ ՄԱՀՄԱՆՈՒՄ

Համայնքի շարունակական զարգացումը ապահովելու համար համայնքը որդեգրել է հետևյալ **ռազմավարությունը**՝

Տարեցտարի բարելավել համայնքի ֆինանսական դրությունը՝ իրականացնելով համայնքի բյուջեի հարկային եկամուտների գանձման, ոչ հարկային եկամուտների, տեղական տուրքերի ու վճարների սահմանման և գանձման արդյունավետ քաղաքականություններ

Խթանել համայնքային տարբեր շահագրգիռ կողմերին և նրանց ներգրավմամբ հետևողականորեն իրականացնել բարեփոխումներ՝ նպաստելով համայնքի սոցիալ-տնտեսական զարգացմանը

Մերտորեն համագործակցել համայնքի բնակչության, քաղաքացիական հասարակության, լրատվամիջոցների և գործարարների հետ

Համայնքի զարգացման 2017-2021թթ. զարգացման ծրագրի հիմնական նպատակներն են՝

Բարեկարգել Հայրենական Մեծ պատերազմում զոհված համագյուղացիների հիշատակին կառուցված հուշարձանի տարածքը

Ունենալ բարեկարգ ներհամայնքային ճանապարհներ

Անցկացնել փողոցային լուսավորություն

Բարելավել մշակույթի տան շենքային և գույքային պայմանները

Ցանկապատել գերեզմանոցները

Կատարել ծառատնկումներ

Կառուցել սպորտհրապարակ

Տեղադրել կանգառներ

Կազմակերպել կանոնավոր աղբահանություն

Կատարել համայնքի եկեղեցու տանիքի նորոգման աշխատանքներ

ԾՐԱԳԻՐ 1

ՀԱՅՐԵՆԱԿԱՆ ՄԵԾ ՊԱՏԵՐԱԶՄՈՒՄ ԶՈՀՎԱԾ ՀԱՄԱԳՅՈՒՂԱՑԻՆԵՐԻ ՀԻՇՍԱԿԻՆ ԿԱՌՈՒՑՎԱԾ ՀՈՒՇԱՐՁԱՆԻ ՏԱՐԱԾՔԻ ԲԱՐԵԿԱՐԳՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ

Հուշարձանի տարածքն ամբողջությամբ պետք է մաքրվի, կատարվի ծառատնկումներ, սալարկվի հետիոտն մասը և եզրամայրերը:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի իրականացումը նպատակ է հետապնդում վերականգնել և բարեկարգել ՀՊՄ հիշատակին կառուցված հուշարձանի կից տարածքը՝ 220 գծմ եզրամայրերով և 120քմ տարածքի սալարկումով: Հնարավորին դարձնել ամենամյա բացօթյա միջոցառումների կազմակերպումը հենց հուշարձանի տարածքում:

ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄՆ ՈՒ ՖԻՆԱՆՍԱԿԱՆ ԱՂԲՅՈՒՐԸ

Ծրագրի իրականացման անհրաժեշտ ֆինանսական միջոցները /համաձայն կատարված չափագրումների, հաշվարկած շինանյութի և աշխատուժի գնահատվում են 2 մլն դրամ:

ԾՐԱԳՐԻ ԿԱՏԱՐՄԱՆ ԺԱՄԿԵՏՆԵՐԸ

Ծրագրի կատարման ժամկետ սահմանվում է 2017թվականը:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացնողն ու վերահսկողն համայնքապետարանի աշխատակազմն է՝ համայնքի ղեկավարի անմիջական հսկողության ներքո:

ՍՊԱՍՎՈՂ ԱՐԴՅՈՒՆՔՆԵՐԸ

Համայնքը կունենա վերանորոգված և խնամված հուշարձան, ինչն էլ կավելացնի հետաքրքրությունը բնակչության շրջանում և կավելացնի այցելուների թիվը:

ԾՐԱԳԻՐ 2

ՆԵՐՀԱՄԱՅՆՔԱՅԻՆ ՃԱՆԱՊԱՐՀՆԵՐԻ ԲԱՐԵԿԱՐԳՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ

Որոշ հատվածներում ներհամայնքային ճանապարհները վերածվել են ջրատար առուների, առանձին տեղերում ճանապարհներն հատելով լայնությամբ դրանք դարձրելով անանցանելի: Ծրագրով նախատեսվում է բարեկարգել ներհամայնքային 2500քմ մակերեսով ճանապարհ/ճանապարհների տաշտակների վերանորոգում, ջրանցման տաշտակի, ջրանցման խողովակների տեղադրում, ճանապարհների խճալցում, ավազալցում, ճանապարհների հարթեցում/:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակն է նորոգել ու բարեկարգել ներհամայնքային ճանապարհներ, որի իրագործման համար անհրաժեշտ է լուծում տալ մի քանի խնդիրների՝

1. Կազմել նախագծա-նախահաշվային փաստաթղթեր
2. 2019-2020թթ. համայնքային բյուջեով ֆինանսական ներդրումներ նախատեսել ծրագրի իրականացման համար
3. Խճալցել, ավազալցել ճանապարհներ և հարթեցնել

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Նախնական չափազանցումն ու հաշվարկի արդյունքում ծրագրի իրականացման համար անհրաժեշտ ֆինանսական միջոցները գնահատվում է 6 մլն դրամ, որից համայնքային ներդրումը 2019 թվականին պետք է կազմի 1մլն, իսկ 2020թվականին՝ և 2021 թթ. 1-ական մլն դրամ:

ԾՐԱԳՐԻ ԿԱՏԱՐՄԱՆ ԺԱՄԿԵՏՆԵՐԸ

Նախատեսվում է մեկ փողոց խճալցել 2019 թվականին, իսկ 2020 թվականին ևս մեկ փողոց:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացման հետ կապված խնդիրների լուծումն ու աշխատանքների կազմակերպումն իրականացնելու համայնքապետարանի աշխատակազմը:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Տրանսպորտի բոլոր տեսակների համար կապահովվի երթևեկության բավարար պայմաններ տարվա բոլոր եղանակների համար:

ԾՐԱԳԻՐ 3

ՀԱՄԱՅՆՔԻ ՓՈՂՈՑՆԵՐԻ ԳԻՇԵՐԱՅԻՆ ԼՈՒՍԱՎՈՐՈՒԹՅԱՆ ԱՆՑԿԱՑՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Նախատեսվում է համայնքի փողոցների լուսավորության ավելացում 20-ով, որոնք եղած 20 կետերի հետ կապահովեն համայնքի ամբողջական լուսավորությունը:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակն է համայնքում գիշերային ժամերին ունենալ անհրաժեշտ փողոցային լուսավորություն: Ծրագրի կատարման համար լուծում են պահանջում հետևյալ խնդիրները՝
1. Էլեկտրասյունների վրայով անցկացնել առանձին լուսավորություն
2. Մոնտաժել լուսավորության լամպերն ու տեղադրել ավտոմատ անջատիչներ ու ժամային հաշվիչներ:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Ծրագրի արժողությունը 1,5 մլն դրամ է, որն իրականացվելու է համայնքի բյուջեից:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրն իրականացվելու է 2017 թվականի երկրորդ և երրորդ եռամսյակների ընթացքում:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագիրն իրականացման պատասխանատուն հանդիսանում է համայնքապետարանի աշխատակազմը՝ համայնքի ղեկավարի անմիջական հսկողությամբ:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Համայնքի փողոցները կդառնան լուսավոր, հետիոտնի և վարորդների համար կստեղծվի գիշերային ժամերին ազատ տեղաշարժվելու հնարավորություն :

ԾՐԱԳԻՐ 4

ՄՇԱԿՈՒՅԹԻ ՏԱՆ ՇԵՆՔԱՅԻՆ ԵՎ ԳՈՒՅՔԱՅԻՆ ՊԱՅՄԱՆՆԵՐԻ ԲԱՐԵԼԱՎՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Նախատեսվում է հիմնանորոգել մշակույթի տունը, որտեղ գտնվում են համայնքապետարանը, գրադարանը, բուժկետը և փոստային բաժամունքը: Կատարել ներքին հարդարման աշխատանքներ և ապահովել անհրաժեշտ գույքով:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակն է շինությունը դարձնել բարեկարգ և բնակչության կողմից օգտագործվող: Մշակույթի տունը պետք է ծառայեցնել իր նպատակին, կազմակերպել ազատ ժամանց, միջոցառումներ: Հնարավորություն ստեղծել տարբեր խմբակների գործունեության համար: Ծրագրի իրականացման համար անհրաժեշտ է լուծել հետևյալ խնդիրները՝

1. Վերանորոգել շենքի տանիքը
2. Տեղադրել դռներ և պատուհաններ
3. Կատարել ներքին հարդարում/պատաստապատում, ներկում, հատակի նորոգում, ջեռուցման անցկացում/
4. Մշակույթի տունն ապահովել գույքով

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Ծրագրի նախնական հաշվարկի, չափագրման և իրականացման համար ֆինանսական միջոցները գնահատվում են շուրջ 150 մլն դրամ:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագրի իրականացման ժամկետն է 2021թվականը: Ծրագիրը նախատեսվում է իրագործել պետության կողմից նախատեսվող ծրագրերով և դոնոր կազմակերպությունների օգնությամբ:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացման պատասխանատուն համայնքի ղեկավարի աշխատակազմն է՝ համայնքի ղեկավարի անմիջական ղեկավարությամբ:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Ծրագրի իրականացման արդյունքում համայնքում նորմալ կգործի գրադարան: Մշակույթի տունը վերանորոգումից ու գույքով ապահովվելուց հետո լիարժեք կծառայի իր նպատակին և միանգամից 40-50 մարդ հնարավորություն կունենան այնտեղ զբաղվել և անցկացնել ազատ ժամանակը:

ԾՐԱԳԻՐ 5

ԳԵՐԵԶՄԱՆԱՏՆԵՐԻ ՑԱՆԿԱՊԱՏՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Ծրագիրը նախատեսում է համայնքի երկու գերեզմանատների ցանկապատում մետաղական ցանցով: Ցանկապատի տակ պետք է կառուցվի երկաթբետոնյա հիմք, իսկ վերնամասը եզրափակվի մետաղական անկյուններով:
Ցանկապատի ընդհանուր երկարությունը 1500 գծմ:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակն է ունենալ պաշտպանված ու խնամված գերեզմանատներ: Ծրագրի խնդիրներն են՝
Կառուցել մետաղական կոնստրուկցիայի 1500 գծմ երկարությամբ ցանկապատ:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Նախանական հաշվարկներով ծրագրի իրականացման համար անհրաժեշտ ֆինանսական միջոցները գնահատվում են 6 մլն դրամ:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրը նախատեսվում է իրականացնել՝ 2020-2021թթ-ին: Յմլն կհատկացվի համայնքի բյուջեից, իսկ մնացած Յմլն այլ աղբյուրներից:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացման պատասխանատուն հանդիսանում է համայնքապետարանի աշխատակազմը՝ համայնքի ղեկավարի անմիջական հսկողությամբ:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Համայնքի գերեզմանատները կդադարեն արոտատեղիներ լինելուց, կբացառվել վնասները:

ԾՐԱԳԻՐ 6

ԾԱՌԱՏՆԿՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Ծրագրով նախատեսվում է տարեկան 100 դեկորատիվ և մրգատու ծառերի տնկում կանաչ գոտիներում, դպրոցամերձ տարածքում, ճամփեզրերին և ՀՄՊ հուշարձանի տարածքում:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակն է ավելացնել կանաչ գոտիների տարածքը, հիմնել նոր դաշտապաշտպան անտառագոտիներ: Ծրագրի իրականացման համար անհրաժեշտ է լուծելի դարձնել հետևյալ խնդիրները՝

1. Համայնքապետարանի միջոցներով ձեռք բերել տարեկան 100 տնկի
2. Նախատեսել ծառատունկի գոտիներ
3. Օգտագործել համայնքի աշխատուժը հասարարական աշխատանքի կարգով՝ նպատակ ունենալով ապահով համայնքի էկոլոգիական մաքրությունը:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Ծրագրի ֆինանսական միջոցները գնահատվում է 750 հազար դրամ 5 տարվա համար:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրն իրականացվելու է յուրաքանչյուր զարուն՝ շարունակական:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագիրն իրականացնելու պատասխանատվությունը դրվում է համայնքի ղեկավարի աշխատակազմի և համայնքի ղեկավարի վրա:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Ծրագրի իրականացմամբ համայնքը կունենա կանաչապատ տարածք և էկոլոգիապես մաքուր բնություն:

ԾՐԱԳԻՐ 7

ՍՊՈՐՏՀՐԱՊԱՐԱԿԻ ԿԱՌՈՒՑՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Համայնքում կառուցել սպորտհրապարակ, որտեղ տեղակայված կլինի սպորտային տարբեր մարզական գույք՝ համայնքի երեխաների և պատանիների ֆիզիկական զարգացումն առավել արդյունավետ կազմակերպելու համար:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակն է համայնքի պատանիների շրջանում ավելացնել հետաքրքրությունը դեպի սպորտ և նպաստել ֆիզիկական առողջ զարգացմանը: Ծրագիրն իրականացնելու համար անհրաժեշտ է առանձնացված տարածքում տեղադրել սպորտային տարբեր գործիքներ:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Ծրագրի ֆինանսական միջոցները գնահատվում են 3,5 միլիոն դրամ: Համայնքը ծրագիրն իրականացնելու է 2017թվականին համայնքի բյուջեի և դոնոր կազմակերպությունների միջոցով: Համայնքի ներդրումը կկազմի շուրջ 1,5 մլն դրամ: Գումարի մնացած մասը կներդնի դոնոր կազմակերպությունը:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրն իրականացվելու է 2017թվականի ընթացքում:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագիրն իրականացնելու պատասխանատվությունը դրվում է համայնքի ղեկավարի աշխատակազմի և համայնքի ղեկավարի վրա:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Ծրագրի իրականացման արդյունքում համայնքը կունենա սպորտհրապարակ, առավել կոփված պատանիներ : Կմեծանա հետաքրքրությունը դեպի սպորտը:

ԾՐԱԳԻՐ 8

ԿԱՆԳԱՌՆԵՐԻ ՏԵՂԱԴՐՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Համայնքում չկան տեղակայված կանգառներ, որը եղանակային տարբեր պայմաններում դժվարությունն է ստեղծում համայնքի բնակչության համար:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագիրը նպատակ ունի համայնքում տեղադրել կանգառներ :Կանգառների տեղադրման համար անհարաժեշտ է համայնքի միջոցներով պատվիրել և տեղադրել 3 կանգառներ՝ համայնքի տարբեր հատվածներում:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Համայնքում կանգառներ տեղադրելու համար ֆինանսական միջոցներ հատկացվում է համայնքի բյուջեից, որն ընդհանուր առմամբ կկազմի 1 մլն դրամ:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրը նախատեսվում է իրականացնել 2019 թվականի ընթացքում:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացման պատասխանատուն հանդիսանում է համայնքապետարանի աշխատակազմը:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Ծրագրի իրականացման արդյունքում համայնքը կունենա կանգառներ:

ԾՐԱԳԻՐ 9

ԲՆԱԿԱՎԱՅՐԻ ՄԱՔՐՈՒՄ, ՍԱՆԻՏԱՐԱԿԱՆ ՎԻՃԱԿԻ ԲԱՐԵԼԱՎՈՒՄ, ԱՂԲԱՀԱՆՈՒԹՅՈՒՆ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Ծրագրով նախատեսվում է ամենօրյա ուշադրություն համայնքի շրջակայքի և ներհամայնքային փողոցների մաքրությանը, հատկապես գարնան ամիսներին կազմակերպել կենտրոնացված աղբահանություն:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակ է հետապնդում համայնքում ունենալ՝

Սանիտարական ապահով վիճակ

Մաքուր փողոցներ

Չաղտոտված շրջակա միջավայր

Ծրագրի իրականացման համար անհրաժեշտ է՝

1. Հատկապես գարնան ամիսներին կազմակերպել կենտրոնացված

աղբահանություն: Տեխնիկայի վարձակալությունը և դիզ. վառելիքի ապահովումը կկատարվի համայնքապետարանի միջոցներով:

2. Կազմակերպել լրացուցիչ միջոցառումներ համայնքի մաքրությունն ապահովելու համար:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Ծրագրի ֆինանսական միջոցները գնահատվում են տարեկան 300 հազար դրամ՝ համայնքային բյուջեի միջոցներից:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրը նախատեսվում է իրականացնել 2017-2021 թվականների ընթացքում:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացման պատասխանատուն հանդիսանում է համայնքապետարանի աշխատակազմը:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Ծրագրի իրականացման արդյունքում համայնքը կունենա մաքուր համայնք:

ԾՐԱԳԻՐ 10

ՀԱՄԱՅՆՔԻ ԵԿԵՂԵՑՈՒ ՎԵՐԱՆՈՐՈԳՈՒՄ

ԾՐԱԳՐԻ ՆԿԱՐԱԳՐՈՒԹՅՈՒՆԸ ԵՎ ՀԻՄՆԱՎՈՐՈՒՄԸ

Ծրագրով նախատեսվում է եկեղեցու տանիքի և առաստաղի փայտյա մասերի փոփոխում,ինչպես նաև տանիքի թիթեղների վերանորոգում:

ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Պահպանել պատմա-մշակութային արժեքները:Ծրագրի իրականացման համար անհրաժեշտ են՝

Եկեղեցու և առաստաղի փայտյա մասերի փոփոխում,հողի շերտի ավելացում,տանիքի հին թիթեղների փոփոխում նորով:

ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄԸ

Նախնական հաշվարկներով ծրագրի իրականացման համար պահնաջվում է 2,5մլն դրամ:Ծրագիրն իրականացնելու համար անհրաժեշտ են ներդրումներ, իսկ որոշ աշխատանքներ կկատարվի համայնքի բյուջեի միջոցներով:

ԾՐԱԳՐԻ ԻՐԱԿԱՆԱՑՄԱՆ ԺԱՄԿԵՏՆԵՐԸ

Ծրագիրը նախատեսվում է իրականացնել 2019-2021թվականների ընթացքում:

ԾՐԱԳՐԻ ԻՐԱԿԱՆԱՑՄԱՆ ՊԱՏԱՍԽԱՆԱՏՈՒՆ

Ծրագրի իրականացման պատասխանատուն հանդիսանում է համայնքապետարանի աշխատակազմը:

ԾՐԱԳՐԻՑ ՍՊԱՍՎՈՂ ԱՐԴՅՈՒՆՔՆԵՐԸ

Ծրագրի իրականացման արդյունքում համայնքը կունենա մաքուր համայնք:

Աղյուսակ 8. ԾՐԱԳՐԻ ԱՄՓՈՓ ՏԵՂԵԿԱԳԻՐ

Հ/Հ	Ծրագրի անվանումը	ընդամենը	Նախատեսվող ֆինանսական միջոցներն ըստ տարիների/մլն դրամ					Համայն քային բյուջե	Այլ միջոցներ
			2017	2018	2019	2020	2021		
1	ՀՊՄ գոհված համագյուղացիների հիշատակին կառուցված հուշարձանի մաքրում	2,0	2,0					1,5	0,5
2	Ներհամայնքային ճանապարհների բարեկարգում	6,0			1,0	1,0	1,0	3,0	3,0
3	Համայնքի փողոցների գիշերային լուսավորության անցկացում	1,5	1,5					1,5	
4	Մշակույթի տան շենքային և գույքային պայմանների բարելավում	150,0					150,0		150,0
5	Գերեզմանոցների ցանկապատում	6,0				3,0	30,	3,0	3,0
6	Ծառատնկում	0,75	0,15	0,15	0,15	0,15	0,15	0,75	
7	Սպորտհրապարակի կառուցում	3,5	3,5					1,5	2,0
8	Կանգառների տեղադրում	1,0			1,0			1,0	
9	Բնակավայրի մաքրում, սանիտարական վիճակի բարելավում, աղահանություն	1,5	0,3	0,3	0,3	0,3	0,3	1,5	
10	Համայնքի եկեղեցու վերանորոգում	2,5			0,7	0,8	1,0	1,0	1,5

ՀԶԾ-ի վերանայումը

Հիմնվելով ՀԶԾ-ի իրականացման տարեկան հաշվետվության վերաբերյալ համայնքի ավագանու կայացրած որոշման վրա, ՀԶԾ-ի վերանայման անհրաժեշտության դեպքում, համայնքի ղեկավարը ՀԶԾ-ում փոփոխություններ ու լրացումներ կատարելու վերաբերյալ իր և (կամ) համայնքի ավագանու անդամներից ստացված բոլոր առաջարկությունները ներկայացնում է համայնքի ավագանու քննարկմանը և հաստատմանը:

Համայնքի ավագանու անդամի (անդամների) առաջարկած այն փոփոխությունները և (կամ) լրացումները, որոնք ավելացնում են ՀԶԾ-ի իրականացման ծախսերը, համայնքի ավագանու որոշմամբ ընդունվում են միայն համայնքի ղեկավարի եզրակացության առկայությամբ և ավագանու նիստին ներկա անդամների ձայների երկու երրորդով:

ՀԶԾ-ի փոփոխությունները և (կամ) լրացումները, ավագանու հաստատումից հետո, հրապարակվում են ՀՀ օրենսդրությամբ սահմանված կարգով:

ԵԶՐԱՓԱԿՈՒՄ

ՀԶԾ-ն հանդիսանալու է համայնքի գալիք հինգ տարիների գործունեության ուղեցույցը: 2017-2021թթ. ընթացքում ՀԶԾ-ում ընդգրկված ծրագրերի իրականացմանն են ուղղված լինելու համայնքի ՏԻՄ-երի ջանքերն ու աշխատանքը՝ մոբիլիզացնելով համայնքի ֆինասնական, մարդկային և նյութական ռեսուրսների ողջ պոտենցիալը: ՀԶԾ-ի իրագործումը հնարավորություն կտա քայլ առ քայլ մոտենալ հեռվում նշմարվող այն ցանկալի տեսլականին, որպիսին ցանկանում է տեսնել համայնքը նրա յուրաքանչյուր բնակիչ: ՀԶԾ-ում տեղ գտած դրույթները լինելու են այն ծրագրային հիմքը, որի վրա հենվելով կազմվելու է համայնքի յուրաքանչյուր տարվա բյուջեն:

Ծրագիրը հաջողությամբ իրագործելու համար ՏԻՄ-երը պետք է սերտորեն և արդյունավետ համագործակցեն պետական կառույցների, միջազգային դոնոր կազմակերպությունների և այլ շահագրգիռ կողմերի և կառույցների հետ:

ՀԶԾ-ի իրականացման հսկողությունը և ներքին վերահսկողությունը կիրականացնեն համայնքի ղեկավարը և համայնքի ավագանին: ՀԶԾ-ի ներքին վերահսկողության արդյունքները կներկայացվեն համայնքի ավագանուն՝ ի գիտություն:

Յուրաքանչյուր հաջորդ տարի կկատարվի ՀԶԾ-ի իրականացման նախորդ տարվա արդյունքների ուսումնասիրություն, ամփոփում, ձեռքբերումների գնահատում և թերությունների բացահայտում: Նախորդ տարվա արդյունքների հիման վրա համապատասխան ուղղումներ և լրացումներ կկատարվեն մնացյալ տարիների ծրագրերում:

